

Seo agaibh plana den t-sealladh air taobh eile na cairt seo.

Ⓔ Dèan plana den sgìre, am baile no am baile mòr anns a bheil thu a' fuireach. Comharraich na h-àiteachan “uaine” far a bheil beathaichean is lusan rim faighinn. Theirig gu na h-àiteachan sin agus dèan liosta de na beathaichean 's na lusan a chì thu.

Canaidh sinn beathaichean làitheil ris na beathaichean a chì thu ris an là agus beathaichean oidhcheach ris an fheadhainn nach fhaic thu ach ris an oidhche.

Ⓔ Theirig timcheall a' ghàrraidh air an oidhche le toirds gus am faic thu dè chì thu. Seas agus èisd cuideachd.

'S dòcha gun cluinn thu gràineag a' sporghail anns an duilleach no cailleach-oidhche a' sgreuchail — no fiù 's sgiamh àrd ialtag no dallag.

Bithidh leòmainn is breabadairean a' sgiathalaich mu na h-uinneagan cuideachd agus na solais a-staigh gan tarraing.

Le sin tha beathaichean tur eadar-dhealaichte bhon fheadhainn a bhitheas ann ris an là anns a' ghàrradh air an oidhche.

Cuimhnich nach tèid thu ro fhada bhon taigh gun pàrant còmhla riut.

